



Шанхай ынтымақтастық үйымына мүше мемлекеттердің ұзақ мерзімді тату көршілік, достық және ынтымақтастық туралы шарттын ратификациялау туралы

Қазақстан Республикасының 2009 жылғы 11 ақпандығы N 129-IV Заңы

Бішкекте 2007 жылғы 16 тамызда қол қойылған Шанхай ынтымақтастық үйымына мүше мемлекеттердің ұзақ мерзімді тату көршілік, достық және ынтымақтастық туралы шартты ратификациялансын.

Қазақстан

Республикасының

Президенті

Н. Назарбаев

## ШАНХАЙ ЫНТЫМАҚТАСТЫҚ ҮЙЫМЫНА МҮШЕ МЕМЛЕКЕТТЕРДІҢ ҰЗАҚ

### МЕРЗІМДІ ТАТУ КӨРШІЛІК, ДОСТЫҚ ЖӘНЕ ЫНТЫМАҚТАСТЫҚ ТУРАЛЫ

#### ШАРТЫ

(2012 жылғы 31 қазанда күшіне енді -  
Қазақстан Республикасының халықаралық шарттары бюллетеңі,  
2012 ж, N 6, 82-күжат)

Бұдан әрі "Уағдаласуыш Тараптар" деп аталатын Шанхай ынтымақтастық үйымына мүше мемлекеттер (бұдан әрі - ШЫҰ немесе Ұйым) - Қазақстан Республикасы, Қытай Халық Республикасы, Қыргыз Республикасы, Ресей Федерациясы, Тәжікстан Республикасы, Өзбекстан Республикасы,

тату көршіліктің, достық пен ынтымақтастықтың тарихи дәнекерлерімен бағланыста бола отырып;

Біріккен Ұлттар Ұйымы Жарғысының мақсаттары мен қағидаттарын, халықаралық құқықтың жалпыға бірдей танылған қағидаттары мен нормаларын, сондай-ақ 2002 жылғы 7 маусымдағы Шанхай ынтымақтастық үйымының Хартиясын басшылыққа ала отырып;

Ұйымға мүше мемлекеттер арасындағы тату көршілік, достық пен ынтымақтастық қатынастарды нығайту мен терендету олардың халықтарының түпкілікті мұдделеріне жауап беретініне, ШЫҰ кеңістігінде және бүкіл дүниежүзінде бейбітшілік ісіне және дамуға жәрдемдесетініне сенімді бола отырып;

жаһандану үдерістері мемлекеттердің өзара тәуелділігін күшейтіп, соның нәтижесінде олардың қауіпсіздігі мен өркендеуі тығыз байланыса түсетінін мойындар отырып;

қазіргі заманғы сынақтар мен қауіпсіздікке төнетін қауіп-қатер жаһандық сипатта екенін және оларға тиімді қарсы тұру тек күш-жігерді біріктіру мен өзара іс-қимылдың келісілген қағидаттары мен тетіктерін ұстанғанда ғана мүмкін болады деп ұйғара  
о т ы р ы п ;

қазіргі заманғы мәдени-өркениеттік көптүрлілікті құрметтеу қажеттігін ұғына  
о т ы р ы п ;

Ұйымға мүше мемлекеттердің орнықты дамуына қолайлы жағдайлар жасау үшін әділетті де ұтымды әлемдік тәртіп орнатуға жәрдемдесу мақсатында өздерінің арасында да, және барлық мұдделі мемлекеттер мен халықаралық ұйымдар арасында да өзара тиімді ынтымақтастықты кеңейтуге әзір екендіктерін растай отырып;

бұдан әрі, осы Шарт қайсыбір мемлекеттерге және ұйымдарға қарсы бағытталмағанын және Уағдаласуши Тараптар сыртқы әлемге ашықтық қағидатын ұстанатындықтарын растай отырып ;

ШЫҰ қеңістігін бейбітшілік, ынтымақтастық, гүлдену және үйлесімділік өніріне айналдыруға ұмтыла отырып ;

халықаралық қатынастарды демократияландыруға және теңдік, өзара құрметтеу, өзара сенім мен пайдалылық, блоктық және идеологиялық бөлінуден бас тарту негізінде жаһандық қауіпсіздіктің жаңа сәулетін қалыптастыруға жәрдемдесуге деген ниецті басшылық қа ала отырып ;

Ұйымға мүше мемлекеттердің халықтары арасындағы достықтың ұрпақтан ұрпаққа жалғаса беруі үшін өздерінің арасындағы достық қатынастарды нығайтуға берік шешімде бола отырып ;

төмендегілер туралы уағдаласты:

## 1-бап

Уағдаласуши Тараптар халықаралық құқықтың жалпыға бірдей танылған қағидаттары мен нормаларына сәйкес Уағдаласуши Тараптар үшін мұдделілік білдірілетін салалардағы тату көршіліктің, достық пен ынтымақтастықтың ұзак мерзімді қатынастарын дамытады.

## 2-бап

Уағдаласуши Тараптар Біріккен Ұлттар Ұйымы Жарғысын және халықаралық құқықтың жалпыға бірдей танылған қағидаттары мен нормаларын, сондай-ақ 2002 жылғы 7 маусымдағы Шанхай ынтымақтастық ұйымының Хартиясын басшылыққа ала отырып, бір-бірімен пікір алшақтығын бейбіт жолмен шешеді.

## 3-бап

Уағдаласуши Тараптар әрбір мемлекеттің тарихи тәжірибесі мен ұлттық ерекшеліктерін ескере отырып, бір-бірінің саяси, экономикалық, әлеуметтік және мәдени даму жолын тандаш алу құқығын құрметтейді.

#### **4-бап**

Уағдаласуши Тараптар мемлекеттік егемендік пен аумақтық тұтастық қағидаттарын құрметтей отырып, өз аумағында осы қағидаттарға қайшы келетін кез келген іс-әрекетке жол бермеу жөнінде шаралар қабылдайды.

Уағдаласуши Тараптар екінші Уағдаласуши Тараптарға қарсы бағытталған одактарға немесе ұйымдарға қатыспайды, екінші Уағдаласуши Тараптарға қандай да бір болсын жауалық іс-әрекеттерді қолдамайды.

#### **5-бап**

Уағдаласуши Тараптар шекаралардың мызғымастық қағидаттарын құрметтейді, бір-бірімен шекараларын мәнгілік бейбітшілік пен достық шекарасына айналдыруға берік шешімдерін негізге ала отырып, шекара маңындағы аудандардағы әскери саладағы сенімді нығайтуға белсене күш салады.

#### **6-бап**

Уағдаласуши Тарап оның қауіпсіздігіне қатер төндіретін ахуал туындаған жағдайда, туындаған ахуалға барабар жауап беру үшін Ұйым шеңберінде басқа Уағдаласуши Тараптармен консультациялар өткізе алады.

#### **7-бап**

Уағдаласуши Тараптар халықаралық бейбітшілік пен қауіпсіздікті қолдау мен нығайту үшін ШЫҰ шеңберінде күш-жігерлерін жұмылдырады, Біріккен Ұлттар Ұйымының рөлін қорғау мен арттыру, жаһандық және өнірлік тұрақтылықты қолдау, қарулануға халықаралық бақылау үдерісін ілгерілету, жаппай қырып-жоятын қаруды және оны жеткізетін құралдарды таратудың алдын алу сияқты салалардағы үйлестіру мен ынтымақтастықты нығайтады, сондай-ақ осы мәселелер бойынша тұрақты консультациялар өткізеді.

#### **8-бап**

Уағдаласуши Тараптар өздерінің ұлттық заңнамасына сәйкес және халықаралық құқықтың жалпыға бірдей танылған қағидаттары мен нормаларын, олар қатысушысы болып табылатын халықаралық шарттарды сақтау негізінде терроризмге, сепаратизмге

және экстремизмге, есірткі құралдарының, психотроптық заттардың және олардың прекурсорларының, қарудың заңсыз айналымына, трансұлттық қылмыстық әрекеттің басқа да түрлеріне, сондай-ақ заңсыз көші-қонға қарсы туру жөніндегі ынтымақтастықты белсенді дамытады.

Уағдаласуши Тараптар өздерінің ұлттық заңнамасына сәйкес және олар қатысушысы болып табылатын халықаралық шарттар негізінде, террорлық, сепаратистік, экстремистік іс-әрекетке, сондай-ақ өзге де қылмыстарға байланысты қылмыстар жасағаны үшін құдікті, кінәлі деп табылған немесе сottалған адамдарды іздестіру, ұстау, ұстап беру және тапсырудагы өзара іс-қимылды қүшейтеді.

Уағдаласуши Тараптар мемлекеттік шекараны күзету мен кедендей бақылау, еңбек көші-қонын реттеу, қаржылық және ақпараттық қauіpsіздікті қамтамасыз ету салаларындағы ынтымақтастықты дамытады.

## **9-бап**

Уағдаласуши Тараптар Уағдаласуши Тараптардың құқық қорғау органдары мен сот билігі органдарының арасындағы байланыстар мен ынтымақтастықтың дамуына жәрдемдеседі.

## **10-бап**

Уағдаласуши Тараптар әр түрлі нысандарда қорғаныс министрліктері желісі бойынша ынтымақтастықты дамытады.

## **11-бап**

Уағдаласуши Тараптар өздерінің халықаралық міндеттемелеріне және ұлттық заңнамасына сәйкес адам құқықтары мен негізгі бостандықтарын іске асыруға жәрдемдесу сияқты салалардағы ынтымақтастықты дамытады.

Уағдаласуши Тараптар өздерінің халықаралық міндеттемелеріне, сондай-ақ ұлттық заңнамасына сәйкес басқа Уағдаласуши Тараптардың өз аумағында тұратын азаматтарының заңды құқықтары мен мұдделерін қамтамасыз етуге кепілдік береді, сонымен бірге бір-біріне қажетті құқықтық көмек көрсетуге жәрдемдеседі.

## **12-бап**

Уағдаласуши Тараптар бір Уағдаласуши Тараптың екінші Уағдаласуши Тараптың аумағындағы мүлкіне қатысты бір-бірінің заңды құқықтары мен мұдделерін таниды және қорғайды.

## **13-бап**

Уағдаласуши Тараптар тендік пен өзара пайда негізінде экономикалық ынтымақтастықты нығайтады, сауданы дамыту, инвестицияны ынталандыру және ШЫҰ шеңберінде технологиялармен алмасу үшін қолайлар жасайды.

Уағдаласуши Тараптар, өз аумағында занды шаруашылық қызметін жүргізетін екінші Уағдаласуши Тараптың занды және жеке тұлғаларының қызметі үшін құқықтық жағдайлар жасауды, сондай-ақ өз аумағындағы осындай занды және жеке тұлғалардың занды құқықтары мен мұдделерін қорғауды қоса алғанда, экономикалық қызметке жәрдем көрсетеді.

## **14-бап**

Уағдаласуши Тараптар өздері мүшелері болып табылатын халықаралық қаржы мекемелерінде, экономикалық үйымдарда және форумдарда ынтымақтастықты дамытады, сондай-ақ осындай мекемелердің, үйымдар мен форумдардың жарғылық ережелеріне сәйкес басқа Уағдаласуши Тараптардың осы үйымдарға кіруі кезінде жәрдем көрсетеді.

## **15-бап**

Уағдаласуши Тараптар өнеркәсіп, ауыл шаруашылығы, қаржы, энергетика, көлік, ғылыми-техникалық, инновациялық, ақпараттық, телекоммуникациялық, авиағарыштық және өзара мұдделілік білдірілетін басқа да салалардағы ынтымақтастықты дамытады, әр түрлі нысандағы өңірлік жобаларды жүзеге асыруды ынталандырады.

## **16-бап**

Уағдаласуши Тараптар заң шығару саласындағы ынтымақтастыққа барынша жәрдемдеседі, әзірлену, қабылдану үстіндегі және қолданыстағы зандар туралы ақпаратпен тұрақты негізде алмасады, халықаралық-құқықтық құжаттарды әзірлеудегі ынтымақтастықты жүзеге асырады.

Уағдаласуши Тараптар заң шығарушы органдар мен олардың өкілдері арасындағы байланыстар мен ынтымақтастықты көтермелейді.

## **17-бап**

Уағдаласуши Тараптар қоршаған ортаны қорғау, экологиялық қауіпсіздікті, табиғатты ұтымды пайдалануды қамтамасыз ету саласындағы ынтымақтастықты

дамытады, осы салалардағы арнайы бағдарламалар мен жобаларды өзірлеу мен іске асыру жөнінде қажетті шараларды қабылдайды.

## 18-бап

Уағдаласуши Тараптар табиғи және техногендік сипаттағы төтенше жағдайларды ескерту мен олардың зардаптарын жоюда өзара жәрдем көрсетеді.

## 19-бап

Уағдаласуши Тараптар мәдениет, өнер, білім, ғылым, технологиялар, денсаулық сақтау, туризм, спорт және басқа да әлеуметтік және гуманитарлық салалардағы өзара алмасулар мен ынтымақтастықты дамытады.

Уағдаласуши Тараптар мәдениет мекемелері, білім беретін, ғылыми және зерттеу мекемелері арасында тікелей байланыстар орнатуды, бірлескен ғылыми-зерттеу бағдарламалары мен жобаларын жүзеге асыруды, кадрлар даярлаудағы, студенттермен, ғалымдармен және мамандармен алмасудағы ынтымақтастықты өзара көтермелейді және қолдаиды.

Уағдаласуши Тараптар екінші Уағдаласуши Тараптардың тілі мен мәдениетін зерделеу үшін қолайлы жағдайлар жасауға белсене жәрдемдеседі.

## 20-бап

Осы Шарт Уағдаласуши Тараптардың олар қатысушылары болып табылатын басқа халықаралық шарттар бойынша құқықтары мен міндеттемелерін қозгамайды.

## 21-бап

Осы Шартты орындау мақсатында Уағдаласуши Тараптар өзара мұddeлілік білдірілетін нақты салаларда халықаралық шарттарды жасаса алады.

## 22-бап

Осы Шарттың қағидаларын түсіндіру немесе қолдануға байланысты даулар Уағдаласуши Тараптар арасындағы консультациялар мен келіссөздер жолымен шешіледі.

## 23-бап

Осы Шарт оған қол қоюшы Уағдаласуши Тараптардың ратификациялауына жатады

Осы Шарт белгіленбеген мерзімге жасалады және соңғы ратификациялау грамотасы

депозитарийге сақтауға тапсырылған күнінен бастап күшіне енеді.

Осы Шарт Ұйымға мүше мемлекет болып тұрған кезінде Уағдаласушы Тараптардың кез келгеніне қатысты күшінде қалады. Уағдаласушы Тараптың осы Шартқа қатысусы оның ШЫҰ-ға мүшелігі тоқтаған күннен бастап өздігінен тоқтатылады.

Осы Шарт күшіне енгеннен кейін ол Ұйымға мүше болған кез келген мемлекеттің қосылуы үшін ашық. Қосылатын мемлекет үшін осы Шарт қосылу туралы тиісті құжатты депозитарийге сақтауға тапсырылған күнінен бастап отызыншы күні күшіне енеді.

## 24-бап

Барлық Уағдаласушы Тараптардың келісімімен осы Шартқа жеке хаттамалармен ресімделетін езгерістер мен толықтырулар енгізілуі мүмкін.

## 25-бап

Осы Шарттың тұпнұсқа данасы депозитарийге тапсырылады.

Осы Шарттың депозитарийі Шанхай ынтымақтастық ұйымының Хатшылығы болып табылады, ол осы Шартқа қол қойылған күннен бастап он бес күн ішінде оның күәландырылған көшірмелерін Уағдаласушы Тараптарға жібереді.

## 26-бап

Осы Шарт Біріккен Ұлттар Ұйымы Жарғысының 102-бабына сәйкес Біріккен Ұлттар Ұйымының Хатшылығында тіркелуге жатады.

Бішкек қаласында 2007 жылғы 16 тамызда қытай және орыс тілдерінде бір данада жасалды және де екі мәтіннің күші бірдей.

*Қазақстан Республикасы үшін Қытай Халық Республикасы үшін*

*Қыргыз Республикасы үшін Ресей Федерациясы үшін*

*Тәжікстан Республикасы үшін Өзбекстан Республикасы үшін*

Бішкекте 2007 жылғы 16 тамызда қол қойылған Шанхай ынтымақтастық ұйымына мүше мемлекеттердің ұзақ мерзімді тату көршілік, достық және ынтымақтастық туралы шартының қазақ тіліне аудармасының дәлдігін күәландырамын.

*Қазақстан Республикасы*

*Сыртқы істер министрлігі*

*Әкімшілік және бақылау департаменті*

*Мемлекеттік тіл және құқықтық*

*сараптама басқармасының бастығы М.Ә.Сапарбекова*

*РКАО-ның ескертуі: бұдан әрі Шарттың мәтіні қытай тілінде берілген.*

© 2012. Қазақстан Республикасы Әділет министрлігінің «Қазақстан Республикасының Заңнама және  
құқықтық ақпарат институты» ШЖҚ РМК